

⇒ **Formaziun por la pastoral dai sacramonc: él mo magari ciamó porsones co se metess a disposiziun da tó pert ala formaziun por daidé empara tla pastoral dai sacramonc d'iniziaziun: bato, comuniun y crejima?**

Desche al è belo gnü scrit fora da d'aisciöda él preodü na formaziun de 10 dis (na pert da d'altonn y na pert d'aisciöda), mo le curs pó ma gní fat tla Val Badia sce almanco 8 porsones tól pert. Ciamó n'él nia prenotaziuns assá, porchel preitambel anunziessse pa Annamaria Fiung al ☎ 347 5277810.

1 Enformaziuns y termins

Preparaziun al Bato: düc i geniturs co á na picia creatöra da bacé, pèrs co aspeta, toc y totes é enviés ala preparaziun dal Bato co ven tignida **en sabeda ai 10 de setember**, dales 15:00 ales 17:00, te salff dles uniuns a **La Val**. Prenotaziuns, ☎ 328 0717796.

La Portina por l'assistenza y cura tl'alzada a tera te Raiun Sozio-Sanitar a Pucolin é daverta da sen ennant trei iadi al'edema: le lönesc dales 14:00 ales 16:00, le dedemesaledema y la jöbia dales 10:00 ales 12:00. An pó ince telefoné a ☎ 0474 586123 dertan chisc orars. Le team enformeia sön düc i sorvisc sozio-sanitars y de assistenza, sön les poscibilités de sostegn y alisiramont, sön i aiüc esistonc, i derc y doveis, sön le sosten finanzia, aconsieia tles dezijiuns co é da tó y deida da fá de vigne sort de domandes y atres pratiches burocratiches canche na porsona o n familiar adora le goern.

Museum Ladin: en ocajiun dai 35 agn dala descorida dal ander de Conturines pita le Museum ladin cöstes manifestaziuns:

- **Escursciun al ander de Conturines** (2.750 m) con esperc, **sabeda ai 24.09.2022**. Post de encuntada: dales 08:30 dan la Capanna Alpina, San Ciascian. Düc pó tó pert debann. En cajo de bort temp von l'escursciun desdita, mo al ven pité ales 15:00 na vijita menada tal Museum Ladin Ursus ladinicus.

- **Stories de piceres laurs con Erika Castlunger** tal Museum Ladin Ursus ladinicus a San Ciascian, **vendres, ai 23.09.22 dales 17:00 y domegna, ai 25.09.22 ales 10:30 y ales 17:00** por mituns dai 3 ai 8 agn, prisc: 3,00 Euro.

Por informaziuns y prenotaziuns: Museum Ladin: ☎ 0474 524020, info@museumladin.it

“Uomini, vegetali, animali: siamo tutti nella stessa barca, e non si toccano gli uni senza intaccare gli altri.”

Giovanni Paolo I.

Döt le bun a: Rosa Angela Erlacher Frena, *San Laronz* * 04.09.1932
Angelo Taibon * 04.09.1938
y a düc chi co á santennom y complessc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns: cina le dedemesaledema sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 Mhz



Empröma ponsé


📖 Sap 9, 13–19 | Fil 9b–10.12–17 | Lc 14, 25–33

Dal Vangelo do San Lúca:

Te chel tomp²⁵ canche n gröm de jont acompagnâ Gejú, s'ál ôt pormez a d'era²⁶ y ti á dit: Sc'al n'é önn co ven da me y ne desprijeia nia pere y oma, fomena y mituns, fredesc y sorus, y cinamai söa vita, ne sciáfíel nia da ester mio discepul.²⁷ Chel co ne porta nia söa crusc y ne mo ven nia do, ne sciafia nia da ester mio discepul.²⁸ Sce önn de os ô fá sö na tor, ne se sontel nia jö empröma y fej do i cunc, por odei sce sü mesi arjunj por so plann?²⁹ Zonza podéssera sozeder, ch'al fajess la fondamonta, mo ch'al ne sciafiass nia spo da roé le fabricat. Y düc chi co l'odess, le coienass³⁰ y dijess: Cösc atló á motü man da fá na tor y n'á nia sciafié da la roé.³¹ O sce n re va a fá vera cuntra n ater, ne se sontel nia jö denant y ponsa sora, sc'al pó, con sü diescmile omi, jí cuntra chel co ven decuntra con vintmile?³² Sc'al ne pó nia, spo orcieiel sü anunziadus adora assá cina che l'ater é ciamó dalunc y preia do pêsc.³³ Porchel ne pó degün de os ester mio discepul, sc'al ne renunzieia nia a döt so avei.

I ponsun do: Pa düc nüsc planns val debojügn da conesce avisa nostes forzes. Gejú cherda la jont da ti jí do con fremeza; mo al ti dij ince ch'al ven ieré trep. Chel co ó ti jí do a Gejú Crist mess se fá ponsiers sora söes forzes, sora söa situaziun de vita y sora les sfides ch'al vá adancuntra. Mo ti jí do a Geju é poscibil.

I periun: Bel Dio, to Fi se cherda da ti jí do con fremeza. Nostes forzes ne basta nia. Stasse tö dlungia y deidesse. Por Gejú Crist, nosc Signur.
Vesco Wilhelm Egger "Sonntagsbibel"



📖 Letöres dla 24. domegna ia por l'ann:
Es 32, 7–11, 13–14 | 1 Tim 1, 12–17 | Lc 15, 1–32

Edema liturgica dai 04.09. ai 11.09.2022

DOM 04.	23. domegna ia por l'ann dai Angeli Custodi	<i>Irmgard, Ida, Iris, Rosalia</i>
06:30	<i>gran messa a Al Plan</i>	
→ 09:30	corona: do n bun Angelo Custode por nusc mituns y por la joneza	
10:00	gran messa por dōta la ploania	<i>oferta por la ploania</i>
	s.m. por i †† dla fam. Isidor y Frieda Agreiter, Brach	
	s.m. por † Sr. Rosalia Daverda	
	s.m. por † Rosa Pedevilla ved. Ellecosta, Luchesc	
Lön 05.	<i>Teresa da Calcuta, Rosvita</i>	
08:00	<i>a Al Plan, s.m. por le meterman dal ann de scora</i>	
→ 10:00	s.m. en onú dal Spirit Sant y de Santa Maria dal Bun Consei por le meterman dal ann de scora	
Ded 06.	<i>Magnus, Zacheus</i>	
07:30	<i>s.m. a Antermeia</i>	
Dem 07.	<i>Judit, Otto, Regina</i>	
Jöb 08.	 festa dal Nadé de Santa Maria, Adrian, Alan	
07:30	<i>s.m. a Rina</i>	
→ 19:30	zelebrazion dla Parora de Dio	
Ven 09.	<i>Pire Claver, Corbinian</i>	
07:30	<i>s.m. a Al Plan</i>	
Sab 10.	segra dai doms da Porsenú y Balsan, Theodard	
07:30	s.m. de rengraziamont dla fam. Tone y Clara Frontull	
	s.m. por † Isidoro Pedevilla, Brach	
18:00	<i>s.m. prefestia a Al Plan</i>	
DOM 11.	24. domegna ia por l'ann	<i>Felix y Regula, Helga, Ludwig</i>
→ 06:30	gran messa por dōta la ploania	<i>oferta por la ploania</i>
	s.m. por vis y †† dla fam. Maneschg, La Costa dessot	
10:00	<i>gran messa a Al Plan</i>	
<i>ampola:</i>	do entenziun	
<i>ministronc:</i>	<ul style="list-style-type: none"> • lönesc y sabeda: Elisabeth y Sara • domegna: Samuel y Matteo, Roman y Armin 	
<i>i recordun:</i>	Marta Rubatscher ved. Erlacher, Al Plan	† 09.09.2018
	Franz Pedevilla	† 10.09.2021



Envocaziun ai Angeli

Os Angeli dai profec, daidede i anunziadus dal vangelo da ti incundé a dúc la noela dl amur y dla misericordia de Dì.
 Os Angeli dai grams y dai pisimusc, dedi ardimont ch'ai ciafi endò speranza.
 Os Angeli dai arfamés y dai püri, orcedi porsones co s'un toli sora de ei y partesci empara.
 Os Angeli dai amarés, portedi confort tla maratia y la speranza de varí.
 Os Angeli de chi sön tru y de chi zonza n daciasa, stravardedi endlunch dai prighi dal corp y dal'anima.
 Os Angeli dla creaziun y dles forzes dla natöra, protejede nosta tera y destolede la jont da rüné la natöra.
 Os Angeli dai saré ia, daidede sö chi co é a tera y renforzede i oprescionés.
 Os Angeli de chi co é tal morí, stravardedi da vigne tentaziun y acompagnedi dan dal müs de Chel Bel Dio.



Por le meterman dal ann de scora

I la vaigun fora sön le lé ...

Te n iade èl gnü na gran tempesta y les ones batea tla barca y cōsta metea man da se emplì d'ega; i apostui ne ponsâ nia plü che Gejù ea pa d'ei sön barca y metea man da se temei. (do Merch 4,35-41)

Ince te scora é valiadé momonc turbolenc: canche döt pö tan rio, canche an pizacrea con i compagns, canche an se sont susc ... Por che nos dúc ne se desmonciunse nia che Gejù é con nos sön nosc iade ete por i mers de nosta vita, orunse sonté ete dúc canc deboriada te barca: scolars y geniturs, maestri y educadus, neni, lãs y amisc y tó pert ala messa por le meterman dal ann de scora en lönesc ai 5 de setember ales 10:00

... y Gejù é con nos sön barca.



Marienfeste im September



08. September

Diese Knospe birgt den Glauben, dass Gott den Menschen nahe ist.

Mariä Geburt



12. September

Ihr Gottvertrauen steht vor uns in voller Blüte.

Mariä Namen



15. September

In Dornen und Schmerzen steht sie uns bei, wenn uns im Leid die Einsamkeit befällt.

Mariä Schmerzen